



სსიპ შოთა რუსთაველის ეროვნული სამეცნიერო ფონდის გენერალური
დირექტორის

ბრძანება № 07

2016 წლის 18 იანვარი

ქ. თბილისი

2016 წლის 15 მარტიდან 2016 წლის 30 ივნისის ჩათვლით მოკლევადიანი ინდივიდუალური სამოგზაურო სახელმწიფო სამეცნიერო გრანტების გაცემის მიზნით საგრანტო კონკურსის გამოცხადების, კონკურსის პროგრამისა და მასში მონაწილეობის პირობების დამტკიცების შესახებ

„მოკლევადიანი ინდივიდუალური სამოგზაურო სახელმწიფო სამეცნიერო გრანტების გაცემის წესის შესახებ დებულების დამტკიცების თაობაზე“ საქართველოს მთავრობის 2008 წლის 20 თებერვლის N30/ნ დადგენილებით დამტკიცებული დებულების მე-3 მუხლის მე-2 პუნქტის და „საჯარო სამართლის იურიდიული პირის - შოთა რუსთაველის ეროვნული სამეცნიერო ფონდის დაფუძნებისა და მისი წესდების დამტკიცების შესახებ“ საქართველოს განათლებისა და მეცნიერების მინისტრის 2010 წლის 28 ივლისის №62/ნ ბრძანებით დამტკიცებული წესდების მე-7 მუხლის მე-2 პუნქტის „ე“ და „ნ“ ქვეპუნქტების საფუძველზე და სსიპ შოთა რუსთაველის ეროვნული სამეცნიერო ფონდის სამეცნიერო გრანტებისა და პროგრამების უზრუნველყოფის, შეფასებისა და ანალიზის დეპარტამენტის უფროსის მოადგილის ნინო გაჩეჩილაძის სამსახურებრივი ბარათის (N35684, 18.01.2016) შესაბამისად,

ვბრძანებ:

1. 2016 წლის 18 იანვარს გამოცხადდეს საგრანტო კონკურსი 2016 წლის 15 მარტიდან 2016 წლის 30 ივნისის ჩათვლით მოკლევადიანი ინდივიდუალური სამოგზაურო სახელმწიფო სამეცნიერო გრანტების გაცემის მიზნით;
2. დამტკიცდეს 2016 წლის 15 მარტიდან 2016 წლის 30 ივნისის ჩათვლით მოკლევადიანი ინდივიდუალური სამოგზაურო სახელმწიფო სამეცნიერო გრანტების გაცემის მიზნით საგრანტო კონკურსის პროგრამა და პირობები ამ ბრძანების დანართი N1-ის შესაბამისად;
3. დამტკიცდეს 2016 წლის 15 მარტიდან 2016 წლის 30 ივნისის ჩათვლით მოკლევადიანი ინდივიდუალური სამოგზაურო სახელმწიფო სამეცნიერო გრანტების გაცემის მიზნით საგრანტო კონკურსში მონაწილეობის შესახებ განცხადების ფორმა ამ ბრძანების დანართი N2-ს შესაბამისად;
4. დამტკიცდეს პროექტის ბიუჯეტის ფორმა ამ ბრძანების დანართი N3-ის შესაბამისად;
5. დაევალოს სსიპ შოთა რუსთაველის ეროვნული სამეცნიერო ფონდის (შემდგომში - ფონდი) საზოგადოებასთან ურთიერთობის სამსახურს უზრუნველყოს წინამდებარე ბრძანების ფონდის ვებგვერდზე განთავსება;
6. ბრძანება ძალაშია ვებგვერდზე გამოქვეყნებისთანავე;
7. ბრძანება შეიძლება გასაჩივრდეს მისი ძალაში შესვლიდან ერთი თვის ვადაში თბილისის საქალაქო სასამართლოს ადმინისტრაციულ საქმეთა კოლეგიაში (მის: დ. აღმაშენებლის ხეივანი მე-12 კმ. №6).

მარინე ჩიტაშვილი

დამტკიცებულია
სსიპ - შოთა რუსთაველის ეროვნული სამეცნიერო
ფონდის გენერალური დირექტორის
2016 წლის 15 იანვრის № 07- ბრძანებით

2016 წლის 15 მარტიდან 2016 წლის 30 ივნისის ჩათვლით მოკლევადიანი ინდივიდუალური
სამოგზაურო სახელმწიფო სამეცნიერო გრანტების გაცემის მიზნით საგრანტო კონკურსის
პროგრამა და მასში მონაწილეობის პირობები

მუხლი 1. ზოგადი დებულებანი

1. მოკლევადიანი ინდივიდუალური სამოგზაურო სახელმწიფო სამეცნიერო გრანტის (შემდგომში – სამოგზაურო გრანტი) მიზანია ხელი შეუწყოს საქართველოს მეცნიერთა მონაწილეობას საერთაშორისო სამეცნიერო ღონისძიებებში, რათა ინფორმაციის გაცვლისა და გამოცდილების გაზიარების შედეგად გააძლიეროს ადგილობრივი სამეცნიერო პოტენციალი და დაეხმაროს საქართველოს მეცნიერების საერთაშორისო სამეცნიერო სფეროში ინტეგრაციას.
2. სამოგზაურო გრანტების საშუალებით ქართველ მეცნიერებს საშუალება ეძლევათ მონაწილეობა მიიღონ საზღვარგარეთ დაგეგმილ საერთაშორისო სამეცნიერო ღონისძიებაში.
3. 2016 წელს სამოგზაურო გრანტების გაცემის მიზნით გამოცხადებული საგრანტო კონკურსი (შემდგომში – კონკურსი) და მის ფარგლებში გაცემული სამოგზაურო გრანტები ფინანსდება საქართველოს სახელმწიფო ბიუჯეტიდან და მის სრულ ადმინისტრირებას ახორციელებს სსიპ – შოთა რუსთაველის ეროვნული სამეცნიერო ფონდი (შემდგომში – ფონდი).
4. ფონდი უზრუნველყოფს:
 - ა) საკონკურსო კომისიის შექმნას, რომელიც „მოკლევადიანი ინდივიდუალური სამოგზაურო სახელმწიფო სამეცნიერო გრანტების გაცემის წესის შესახებ დებულების დამტკიცების თაობაზე“ საქართველოს მთავრობის 2008 წლის 20 თებერვლის 30 დადგენილების მე-7 მუხლით დადგენილი კრიტერიუმების შესაბამისად შეაფასებს კონკურსში წარდგენილ განაცხადებს;
 - ბ) საკონკურსო კომისიის მიერ დასაფინანსებლად შერჩეულ პრეტენდენტთა გამოვლენასა და დამტკიცებას;
 - გ) გამარჯვებულ პრეტენდენტთა დაფინანსებას და შემდგომ კონტროლს „მოკლევადიანი ინდივიდუალური სამოგზაურო სახელმწიფო სამეცნიერო გრანტების გაცემის წესის შესახებ დებულების დამტკიცების თაობაზე“ საქართველოს მთავრობის 2008 წლის 20 თებერვლის №30 დადგენილებითა და შესაბამისი საგრანტო ხელშეკრულებით დადგენილი წესის შესაბამისად.

მუხლი 2. სუბიექტები

1. კონკურსში მონაწილეობა შეუძლიათ:

- ა) საქართველოს მოქალაქე ყველა ფიზიკურ პირს, რომელსაც აქვს დოქტორის, მაგისტრის, ან მასთან გათანაბრებული აკადემიური ხარისხი, აგრეთვე იმ პირებს, რომლებიც სწავლობენ საქართველოს ავტორიზებულ უმაღლეს საგანმანათლებლო დაწესებულების მაგისტრატურაში;
2. კონკურსში მონაწილეობა შეიძლება მხოლოდ ინდივიდუალურად. იმ შემთხვევაში, თუ სამეცნიერო ნაშრომს ჰყავს რამდენიმე თანაავტორი, აღნიშნული ნაშრომის პრეზენტაციისათვის კონკურსში მონაწილე აპლიკანტის ვინაობას წყვეტს ავტორთა ჯგუფი. ერთსა და იმავე ღონისძიებაში ერთი და იმავე მოხსენებით გამგზავრების დასაფინანსებლად საკონკურსო განაცხადის შემოტანა შუდლია მხოლოდ ერთ აპლიკანტს.
3. შესაძლებელია ერთი და იმავე სამეცნიერო ნაშრომის წარდგენა თანაავტორების მიერ არაუმეტეს ორ სხვადასხვა სამეცნიერო ღონისძიებაში მონაწილეობის მისაღებად.

მუხლი 3. სამოგზაურო გრანტით ფინანსდება

1. სამოგზაურო გრანტი გაიცემა შემდეგი სახის საერთაშორისო ან რეგიონულ სამეცნიერო ღონისძიებებში მონაწილეობის მისაღებად:
 - ა) კონფერენცია;
 - ბ) კონგრესი;
 - გ) ფორუმი;
 - დ) სიმპოზიუმი;
- ე) სამუშაო შეხვედრა (სემინარი Workshop);
- ვ) კონფერენციის, კონგრესის წინა ღონისძიება (მოკლევადიანი სემინარი, ტრენინგი), მხოლოდ ახალგაზრდა მეცნიერთათვის (დოქტორანტი, ან დოქტორი, რომელსც დოქტორის აკადემიური ხარისხი მიენიჭა კონკურსის გამოცხადების თარიღიდან ბოლო შვიდი წლის პერიოდში).
- ზ) საერთაშორისო სამეცნიერო ღონისძიებების თემატიკა უნდა იყოს კონკურსანტის სამეცნიერო მოღვაწეობის შესაბამისი.

მუხლი 4. კონკურსში მონაწილეობის პირობები

1. სამოგზაურო გრანტები გაიცემა მხოლოდ იმ საერთაშორისო სამეცნიერო ან რეგიონულ ღონისძიებებში მონაწილეობის მისაღებად, რომლებიც დაგეგმილია 2016 წლის 15 მარტიდან 2016 წლის 30 ივნისის ჩათვლით.
2. სამოგზაურო გრანტი გაიცემა საერთაშორისო სამეცნიერო ან რეგიონულ ღონისძიებაზე ფაქტობრივად ყოფნის დღეების მიხედვით (სამეცნიერო ღონისძიების ჩატარების თარიღი მითითებული უნდა იყოს ოფიციალურ წყაროებში/მოწვევაში), გამგზავრებისა და დაბრუნების დღეების ჩათვლით, მაგრამ არაუმეტეს 7 ღამისა და 8 დღისა, რომლებშიც შედის გამგზავრებისა და დაბრუნების დღეები;
3. სამოგზაურო გრანტის მისაღებად აუცილებელი პირობაა საერთაშორისო ან რეგიონულ სამეცნიერო ღონისძიებაში ზეპირი ან სასტენდო მოხსენებით გამოსვლა.
4. კონკურსში მონაწილეობის მისაღებად კონკურსანტს მიღებული უნდა ჰქონდეს პერსონალური მოწვევა საერთაშორისო სამეცნიერო ღონისძიების ორგანიზატორისაგან

და კონკურსანტის მიერ ორგანიზატორისათვის შეთავაზებული მოხსენების (ზეპირი, ან სასტენდო) პროგრამაში ჩასმის დადასტურების საბუთი.

მუხლი 5. დაფინანსება

1. სამოგზაურო გრანტის დაფინანსება ითვალისწინებს საერთაშორისო სამეცნიერო ღონისძიებაში მონაწილეობის ხარჯების სრულ ან ნაწილობრივ დაფარვას.
2. სამოგზაურო გრანტით დაფინანსების სრული პაკეტი მოიცავს:
 - ა) მონაწილეობის სარეგისტრაციო გადასახადს, თუ იგი გადახდილია ფონდის მიერ კონკურსის გამოცხადების შემდეგ, რომელშიც გამარჯვებული საგრანტო პროექტი ფინანსდება;
 - ბ) კონფერენციის, კონგრესის წინა ღონისძიების (მოკლე სემინარის, ტრენინგის) სარეგისტრაციო გადასახადს, მხოლოდ ახალგაზრდა მეცნიერთათვის (დოქტორანტი ან დოქტორი, რომელსაც დოქტორის აკადემიური ხარისხი მიენიჭა კონკურსის გამოცხადების თარიღიდან ბოლო შვიდი წლის პერიოდში), თუ იგი გადახდილია ფონდის მიერ იმ კონკურსის გამოცხადების შემდეგ, რომელშიც გამარჯვებული საგრანტო პროექტი ფინანსდება.
 - გ) ტრანსპორტით (საჰაერო, სახმელეთო, საზღვაო ტრანსპორტი დანიშნულების ადგილამდე; მხოლოდ ეკონომიკლასის ბილეთი), ორმხრივი მგზავრობის ხარჯების ანაზღაურებას;
 - დ) სადღელამისო და საცხოვრებელი ფართის დაქირავების ხარჯების ანაზღაურებას,
 - ე) სამოგზაურო დაზღვევის ხარჯებს;
 - ვ) ვიზის ხარჯებს;
 - ზ) ამ პუნქტის „გ“, „დ“, „ე“ და „ვ“ ქვეპუნქტებით გათვალისწინებული ხარჯები გაწეული უნდა იქნეს საკონკურსო კომისიის მიერ დასაფინანსებლად შერჩეულ პრეტენდენტთა გამოვლენისა და დამტკიცების შემდეგ.
3. იმ შემთხვევაში, თუ კონკურსანტს საერთაშორისო სამეცნიერო ღონისძიებაში მონაწილეობისათვის მიღებული აქვს ნაწილობრივი დაფინანსება სხვა ორგანიზაციიდან, ფონდი განიხილავს დანარჩენი ხარჯების დაფინანსების (ნაწილობრივი დაფინანსება) საკითხს.
4. სადღელამისო და საცხოვრებელი ფართობის დაქირავების/სასტუმროს ხარჯების შედგენისას კონკურსანტმა უნდა ისარგებლოს „მოსამსახურეთათვის სამსახურებრივი მივლინების ხარჯების ანაზღაურების შესახებ“ საქართველოს პრეზიდენტის 2005 წლის 20 აპრილის N#231 ბრძანებულებით.
5. სამოგზაურო გრანტის მოპოვების შემთხვევაში, სამოგზაურო გრანტის მიმღებს ფონდი ავანსად გადასცემს დამტკიცებული თანხის 90 პროცენტს.
6. დაფინანსებულმა პირმა საქართველოში დაბრუნებიდან 10 დღის ვადაში ფონდს უნდა წარუდგინოს გაწეული ხარჯების დამადასტურებელი ყველა საბუთი, რის შედეგადაც მოხდება სრული ანგარიშმწორება. თუ წარდგენილი საბუთის თანახმად ხარჯები აჭარბებს საქართველოს პრეზიდენტის 2005 წლის 20 აპრილის #231 ბრძანებულებით განსაზღვრული ხარჯების ნორმებს, ფონდი არ ანაზღაურებს დარჩენილ სხვაობას. თუ საცხოვრებელი ფართობის დაქირავების/სასტუმროს ხარჯები ნაკლებია ზემოაღნიშნული გრძანებულებით განსაზღვრულ ნორმებზე, სამოგზაურო გრანტის მიმღები ვალდებულია უკან დააბრუნოს დაფიქსირებული სხვაობა. იმ შემთხვევაში, თუ ჩამოსვლიდან 10 დღის

ვადაში ფონდში არ იქნება წარდგენილი გაწეული ხარჯების დამადასტურებელი დოკუმენტები, ფონდი იტოვებს უფლებამოსილებას უკან გამოითხოვოს გრანტის მიმღებისათვის ავანსად მიცემული თანხა. თუ წარმოდგენილი დოკუმენტები არ იქნება შესაბამისობაში საქართველოს კანონმდებლობით დადგენილ მოთხოვნებთან, ფონდი არ აანაზღაურებს შესაბამის ხარჯვით კატეგორიას.

7. სამოგზაურო გრანტის ფარგლებში არ ფინანსდება თანმხლები პირების სამგზავრო და სხვა ხარჯები, საქართველოს ტერიტორიაზე ადგილობრივი ტრანსპორტის ხარჯები (ტაქსი, ავტობუსი, მატარებელი), სამედიცინო დაზღვევა, საკომუნიკაციო (ტელეფონი, ფაქსი, ინტერნეტი) ხარჯები და, აგრეთვე, სხვა ნებისმიერი ხარჯი ამ მუხლის მე-2 პუნქტით განსაზღვრული ხარჯების გარდა.

მუხლი 6. საკონკურსო დოკუმენტაციის წარდგენა

1. კონკურსში მონაწილეობის მიღება შესაძლებელია მხოლოდ ამ მიზნით გახსნილ ელექტრონულ ფოსტაზე: tg@rustaveli.org.ge დოკუმენტაციის სრულყოფილად გამოგზავნის შემთხვევაში.
2. კონკურსში მონაწილეობისათვის გრანტის მაძიებელმა შევსებულ საკონკურსო განაცხადთან და ბიუჯეტის ფორმასთან ერთად PDF ფაილების სახით უნდა ატვირთოს შემდეგი დოკუმენტები:
 - ა) საერთაშორისო სამეცნიერო ღონისძიებაში წარსადგენი მოხსენების მიღების და მიწვევის დამადასტურებელი დოკუმენტ(ები). თუ ეს დოკუმენტები შედგენილია უცხო ენაზე, ატვირთული უნდა იქნას თარგმანი დამოწმებული თარჯიმნის/თარჯიმანთა ბიუროს ბეჭდით.
 - ბ) შესაბამისი აკადემიური ხარისხის დამადასტურებელი დოკუმენტის ასლი.
 - გ) ინფორმაცია კონკურსში მონაწილის სამუშაო ადგილის/სწავლის შესახებ.
 - დ) ავიაბილეთების (ან, შესაბამისად, სხვა სატრანპორტო საშუალებების) ჯავშნის/ინვოისის ასლი, მოითხოვება ავიაკომპანიის ეკონომიკული ფასი (თვითმფრინავი (ეკონომიკულასი), საზოგადოებრივი ტრანსპორტი/მატარებელი, ავტობუსი, სამარშრუტო ტრანსპორტი, ბორანი დანიშნულების ადგილამდე; გარდა ტაქსისა) ორმხრივი მგზავრობის ხარჯების ანაზღაურებას;
 - ე) თანადაფინანსების შემთხვევაში, შესაბამისი ორგანიზაციის თანხმობის წერილი თანადაფინანსებაზე, თანხის მითითებით. იმ შემთხვევაში, თუ ასეთი წერილი შედგენილია უცხო ენაზე, ატვირთული უნდა იქნას თარჯიმნის/თარჯიმანთა ბიუროს ბეჭდით დამოწმებული თარგმანი ქართულ ენაზე;
 - ვ) პირადობის მოწმობის ასლი და ბანკის ანგარიშის ნომერი (გაცემული ბანკის მიერ), რომელზეც გამარჯვების შემთხვევაში ჩაირიცება თანხა;
 - ზ) საკონკურსო განაცხადში მითითებული 3 ყველაზე მნიშვნელოვანი პუბლიკაციის ასლები (ჟურნალის/მონოგრაფიის სატიტულო გვერდი, სარჩევი ავტორის გვარის მითითებით, პუბლიკაციის/ნაშრომის პირველი და ბოლო გვერდები; პუბლიკაციებში ჩაითვლება: საერთაშორისო აკადემიური გამომცემლობის მიერ გამოცემული მონოგრაფია, პუბლიკაცია საერთაშორისო რეფერირებად ჟურნალში, ადგილობრივი აკადემიური გამომცემლობის მიერ გამოცემული მონოგრაფია, პუბლიკაცია ადგილობრივ რეფერირებად ჟურნალში, საერთაშორისო საკონფერენციო აბსტრაქტები და ადგილობრივი საკონფერენციო აბსტრაქტები).

3. კონკურსი ტარდება სამ ნაკადად. პირველი ნაკადი მოიცავს იმ ღონისძიებებზე წასვლის დაფინანსებას, რომელიც ჩატარდება 2016 წლის 15 მარტიდან 2016 წლის 30 ივნისის ჩათვლით.
4. პირველი ნაკადისთვის განაცხადების ელექტრონული რეგისტრაციის ვადებია 2016 წლის 18 იანვრიდან 2016 წლის 15 თებერვლის ჩათვლით (16:00 სთ).
5. ერთსა და იმავე საკონკურსო ნაკადში შესაძლებელია მხოლოდ ერთ ღონისძიებაში მონაწილეობის მისაღებად გამგზავრება.
6. ერთიდაიგივე ღონისძიებაზე წასასწვლელად ერთიდაიმავე განმცხადებლის მიერ საბუთების შემოტანა შესაძლებელია მხოლოდ ერთხელ.
7. ამ მუხლის მეორე პუნქტით გათვალისწინებული დოკუმენტაციის არასრულად ატვირთვის შემთხვევაში ფონდი უფლებამოსილია არ განიხილოს შესაბამისი საკონკურსო განაცხადი კონკურსში მონაწილეობისთვის.
8. ფონდი იტოვებს უფლებას მოხსნას კონკურსიდან საგრანტო პროექტები, რომლებშიც
 - ა) წარმოდგენილია გაყალბებული ინფორმაცია (მაგ. მითითებულია პლენარული მოხსენება ზეპირი მოხსენების ნაცვლად ან ზეპირი მოხსენება სასტენდო მოხსენების ნაცვლად და სხვ.);
 - ბ) ინფორმაცია არაზუსტია (მაგ. ფონდის მიერ მოთხოვნილი უკანასკნელი 5 წლის პუბლიკაციების ნაცვლად ატვირთულია უფრო ძველი პუბლიკაცია და სხვ.);
 - გ) მოთხოვნილია ერთსა და იმავე ღონისძიებაზე ერთი და იმავე მოხსენებით ორი ან მეტი ავტორის გამგზავრების დაფინანსება.
10. ფონდი იტოვებს უფლებას, გამოითხოვოს კონკურსში მონაწილე ფიზიკური პირისაგან დამატებითი ინფორმაცია.

მუხლი 7. საკონკურსო დოკუმენტაციის ფონდში წარდგენის ვადები

1. პირველი ნაკადისთვის ფონდის შესაბამის ელექტრონულ მისამართზე tg@rustaveli.org.ge სრული დოკუმენტაციის გამოგზავნა ხორციელდება 2016 წლის 18 იანვრიდან 2016 წლის 15 თებერვლის ჩათვლით (16:00 სთ).
2. პირველი ნაკადისთვის განაცხადების საკანცელარიო რეგისტრაციის ბოლო ვადაა 2016 წლის 19 თებერვალი (16:00 სთ).
3. ვადის დარღვევით წარმოდგენილი საკონკურსო განაცხადები შესაბამისი პერიოდებისათვის საკონკურსოდ არ განიხილება.

მუხლი 8. საკონკურსო დოკუმენტაციის განხილვა

1. ფონდში წარმოდგენილ საკონკურსო დოკუმენტაციას განიხილავს და მთავრობის დადგენილებით მიერ დამტკიცებული შეფასების კრიტერიუმების შესაბამისად აფასებს ფონდის გენერალური დირექტორის ინდივიდუალური ადმინისტრაციულ-სამართლებრივი აქტით შექმნილი საკონკურსო კომისია.
2. შესაბამისი პერიოდისათვის საკონკურსო განაცხადების წარდგენის ბოლო ვადიდან არა უგვიანეს 10 სამუშაო დღის ვადაში საკონკურსო კომისია გამოავლენს და ამტკიცებს დასაფინანსებლად შერჩეულ პრეტენდენტებს.

მუხლი 9. ხელშეკრულებების გაფორმება

გამარჯვებულ კონკურსანტებთან ფონდი აფორმებს ხელშეკრულებებს, რომლებითაც განისაზღვრება ფონდსა და გამარჯვებულ კონკურსანტებს შორის ურთიერთვალდებულებათა დეტალები.

მუხლი 10. ანგარიშგება

1. სამოგზაურო გრანტის მიმღებმა ქვეყანაში დაბრუნებიდან 10 დღის ვადაში ფონდს უნდა წარუდგინოს საერთაშორისო სამეცნიერო ღონისძიებაში მონაწილეობის მოხსენებითი ანგარიში (პროგრამული და ფინანსური ნაწილები). იმ შემთხვევაში თუ საბოლოო ანგარიში არ იქნება წარმოდგენილი დადგენილ ვადაში, ფონდის მიერ გრანტის მიმღებთან სრული ანგარიშსწორება არ მოხდება;
2. სამოგზაურო გრანტის მიმღებმა ქვეყანაში დაბრუნებიდან 2 თვეს ვადაში უნდა გააკეთოს პრეზენტაცია მოხსენებისა და კონფერენციის შესახებ ფონდის მიერ უზრუნველყოფილ საჯარო ღონისძიებაზე (საჯარო ლექციების/სემინარების სერიაში).
3. მოხსენებითი ანგარიშის პროგრამული ნაწილი შედგება:
 - ა) გრანტის მიმღების საერთაშორისო სამეცნიერო ღონისძიებაში მონაწილეობის მოკლე აღწერილობა ქართულ ენაზე: თემატიკა, მოხსენების თარიღი, სამუშაო შეხვედრების ანოტაცია და სხვა - არაუმეტეს 3 გვერდისა და ანგარიშის ინგლისური რეზიუმე მაქსიმუმ 500 სიტყვა;
 - ბ) საერთაშორისო სამეცნიერო ღონისძიების მოხსენებების ბეჭდვითი და/ან ელექტრონული პროდუქტი, ან მისი ასლი: მოხსენებების რეზიუმეების კრებული, ან სრული მოხსენებების კრებული, ან პუბლიკაციის ანონსი და სხვა;
 - გ) გრანტის მიმღების საერთაშორისო სამეცნიერო ღონისძიებაში მონაწილეობის ამსახველი ვიზუალური მასალა: ფოტო, ვიდეო, DVD, სასტენდო მოხსენების ასლი.
4. გრანტის მიმღების მიერ წარმოდგენილი საბოლოო ანგარიში, აგრეთვე მოხსენების რეზიუმეები ქართულსა და ინგლისურ ენაზე შესაძლებელია გამოყენებული იქნას ფონდის მიერ მისი ვებგვერდზე განთავსების, საქმიანობის ანგარიშში ჩართვის, სხვა ბეჭდვით ან ელექტრონულ პროდუქციაში გამოყენების მიზნით.

დამტკიცებულია
სსიპ - შოთა რუსთაველის ეროვნული სამეცნიერო ფონდის
გენერალური დირექტორის 2016 წლის ~~12~~ იანვრის №~~12~~ ბრძანებით

2016 წლის 15 მარტიდან 2016 წლის 30 ივნისის ჩათვლით
მოკლევადიანი ინდივიდუალური სამოგზაურო სახელმწიფო სამეცნიერო
საგრანტო კონკურსში მონაწილეობის შესახებ

განცხადება

წარმოგიდგენთ ინფორმაციას პროგრამაში მონაწილეობის შესახებ და ვადასტურებ, რომ გავეცანი 2008 წლის 20 თებერვლის საქართველოს N 30 მთავრობის დადგენილებასა და სსიპ შოთა რუსთაველის ეროვნული სამეცნიერო ფონდის დირექტორის ბრძანებას მოკლევადიანი ინდივიდუალური სამოგზაურო სახელმწიფო სამეცნიერო საგრანტო კონკურსის ადმინისტრირების შესახებ. ხელმოწერით ვაცხადებ თანხმობას აღნიშნული პროგრამის პირობებზე. ასევე, ვადასტურებ, რომ ფონდში ელექტრონულად გამოგზავნილი ინფორმაცია ზუსტია და არ შეიცავს ყალბ მონაცემებს. ვაცნობიერებ, რომ ფონდი უფლებამოსილია, ნებისმიერ დროს გადაამოწმოს მოწოდებული ინფორმაციის სიზუსტე და რაიმე სიყალბის აღმოჩენის შემთხვევაში მოხსნას განაცხადი კონკურსში მონაწილეობიდან.

1. პროექტის შიფრი: _____
2. განმცხადებლის/მეცნიერის სახელი და გვარი ქართულად: _____
3. ღონისძიების დასახელება/თემა ქართულად: _____
4. ქვეყანა/ქალაქი, სადაც ტარდება ღონისძიება: _____

განმცხადებლის ხელმოწერა: _____

თარიღი: _____

სარჯის ვატეგორია

#	სარჯის ვატეგორია	დღეების რაოდენობა	ფონდიდან მოთხოვნილი თანახა	თანადაფინანსება	ჯამური თანხა	ვალუტა
1	ორმხრივი მგზავრობა				0	
2	ღონისძიებაზე სარეგისტრაციო გადასახადი				0	
3	ვიზა				0	
4	სამოგზაურო დაზღვევა				0	
5	სადღედამისო ხარჯები				0	
6	საცხოვრებელი ფართის დიქარევების/ სასტუმროს ხარჯი				0	